
Ինչո՞ւ ես տխուր,
Թշվառ Հայաստան,
Է՞ր է վիզըդ ծուռ,
Մայր իմ սիրական.

5 * * * * *
Խոցալից սրտով մայր իմ Հայաստան.

Ինչո՞ւ աչերըդ
Լի են արտասուք,
Է՞ր ես խեղճ նայում
10 Դեպի արևմուտք.

* * * * *
Խոցալից սրտով մայր իմ Հայաստան.

Դուն ևս լավ գիտես,
Որ արևմուտքեն
15 Օգուտ չըկա քեզ
Զատ անբույժ վերքեն.

* * * * *
Խոցալից սրտով մայր իմ Հայաստան.

Թշվառ Հայաստան,
20 Քաջաց դամբարան,
Անջուր բուրաստան,
Խեղճ, անօգնական:

* * * * *
հոցալից սրտով մայր իմ Հայաստան.

25 Շրջիր աչերդ,
Որդիքդ ցրված են,
Ժողովիր քաջերդ՝
Արցունքդ կըսրբեն: